

**Javna ustanova "Fond Memorijala Kantona Sarajevo", sa sjedištem u Sarajevu, ul. Širokac 22, Kovači, Općina Stari Grad, koju zastupa direktor Bahtanović Hazim, mr. (u daljem tekstu: Ugovorni organ)**

**i**

**Društvo za proizvodnju, trgovinu i usluge «FADŽ-COMPANY», d.o.o. Ilidža, ul. Tuneli br. 30, ID broj:4200359780005, PDV broj: 200359780005, koga zastupa direktor Fikret Tuzlak (u daljem tekstu: Dobavljač)**

Zajednički naziv za Ugovornog organa i Dobavljača je **UGOVORNE STRANE**.

zaključili su u Sarajevu, dana 01.12.2020.godine

## **U G O V O R** **o izvođenju radova**

### **PREDMET UGOVORA**

#### **Član 1.**

(1) Predmet ovog ugovora je izvođenje radova na sanaciji sadržaja na mezarjima i spomen obilježjima.

(2) Radovi se izvode prema usvojenom predmjeru i predračunu sa jediničnim cijenama koji je sastavni dio ovog Ugovora.

### **VRIJEDNOST UGOVORA**

#### **Član 2.**

(1) Vrijednost radova iz predmeta ovog ugovora bez PDV-a iznosi  
2.989,00 KM

(2) Vrijednost PDV-a 508,13 KM

(3) Ugovorne strane su saglasne da ukupna vrijednost ugovora sa uključenim PDV-om od 17% iznosi  
3.497,13 KM

(slovima: trihiljadečetristotinedevadesetsedam i 13/100KM)

### **NAČIN PLAĆANJA**

#### **Član 3.**

Ugovorni organ se obavezuje da će Dobavljaču isplatiti ugovorenu cijenu nakon izvršenja predmeta ugovora i internog tehničkog prijema, a u zakonskom roku od 15 /petnaest/ dana od datuma prijema ovjerene fakture.

### **ROK**

#### **Član 4.**

Ugovorene strane su saglasne da je rok za izvršenje predmeta ugovora 30 /trideset/ kalendarskih dana od dana obostranog potpisivanja ugovora.

#### **Član 5.**

Ugovoreni rok se može produžiti samo:

1. u slučaju zakašnjenja uvođenja u posao, za onoliko dana koliko je trajalo to zakašnjenje,
2. u slučaju više sile, za onoliko dana koliko su trajali razlozi produženja izazvani tom silom.

#### **Član 6.**

(1) U slučaju kašnjenja u izvođenju radova, do kojeg je došlo krivicom Dobavljača, isti će platiti ugovornu kaznu, u skladu sa Zakonom o obligacionim odnosima u iznosu od 1% vrijednosti ugovora, za svaki dan kašnjenja do urednog ispunjenja, s

tim da ukupan iznos ugovorene kazne ne može prijeći 10% od ukupno ugovorene vrijednosti radova, koji su predmet ugovora.

(2) Dobavljač je dužan platiti ugovorenu kaznu u roku od 7 (sedam) dana od dana prijema zahtjeva za plaćanje od ugovornog organa.

(3) Ugovorni organ neće naplatiti ugovorenu kaznu ukoliko je do kašnjenja došlo usljed više sile. Pod višom silom se podrazumijeva slučaj kada ispunjenje obaveze postane nemoguće zbog vanrednih vanjskih događaja na koje Dobavljač nije mogao uticati niti ih predvidjeti.

## **MJESTO IZVOĐENJA RADOVA**

### **Član 7.**

Ugovorne strane su saglasne da je mjesto izvođenja radova: Mezarja i spomen obilježija šehida i poginulih boraca.

## **NADZORNI ORGAN**

### **Član 8.**

Za vršenje cjelokupnog nadzora nad izvođenjem ugovorenih radova Ugovorni organ ovlašćuje Tehničku komisiju JU "Fond Memorijala Kantona Sarajevo".

## **OBAVEZE DOBAVLJAČA**

### **Član 9.**

Pored obaveza predviđenih postojećim građevinskim propisima za predmetnu vrstu radova, Dobavljač je posebno dužan:

1. da prilikom izvođenja radova preduzme sve mjere da ne nanosi štetu susjednim objektima, saobraćaju i trećim licima. Sve štete koje izvođenjem radova prouzrokuje trećim licima snosi isključivo Dobavljač;
2. da o svome trošku otkloni sve nedostatke na radovima koji su nastali njegovom krivicom;
3. da na zahtjev Nadzornog organa ukloni sa gradilišta nekvalitetan materijal;
4. da po završetku radova, ukloni sve pomoćne objekte koje je koristio za potrebe izvođenja radova i uredi i očisti prostor od otpadaka i drugog neupotrijebljenog materijala;
5. da na gradilištu obezbijedi mjere zaštite na radu zaposlenih radnika kako svojih tako i eventualnih kooperanata,
6. da održava izvedene radove do pripremanja istih.

### **Član 10.**

(1) Dobavljač je obavezan da za svo vrijeme izvođenja radova uredno vodi građevinski dnevnik.

(2) Potrebne podatke za građevinsku knjigu utvrđuje zajednički Nadzorni organ i predstavnik Dobavljača, a unosi ih stručno lice Dobavljača po uputstvima Nadzornog organa.

## **PRELAZNE I ZAVRŠNE ODREDBE**

### **Član 11.**

(1) Dobavljač radova odgovara za solidnost i kvalitet izvedenih radova za vrijeme od 2 (dvije) godine, računajući od dana završetka radova. Unutar ovoga roka Dobavljač je obavezan da o svom trošku na pismeni zahtjev Ugovornog organa, otkloni sve nedostatke koji bi se pojavili na izvedenim radovima usljed nesolidnog izvođenja ili upotrebe nekvalitetnog materijala.

(2) Ukoliko se Dobavljač ne odazove na poziv Ugovornog organa za otklanjanje nedostataka, Ugovorni organ ima pravo angažovati drugog dobavljača o trošku Dobavljača.

#### Član 12.

O izvršenim radovima sačinjava se zapisnik koji ovjerava ovlašteni predstavnik Dobavljača, Ugovornog organa i Nadzornog organa. Zapisnik o izvršenim radovima, predstavlja dokument na temelju kojeg se vrši situiranje izvršenih radova.

#### Član 13.

Na odnose između ugovornih strana koji nisu regulisani ovim ugovorom primjenjuju se odgovarajuće odredbe Zakona o obligacionim odnosima i Posebni Uzansi o građenju.

#### Član 14.

(1) Sve eventualne sporove u vezi sa izvršenjem ovog Ugovora ugovorne strane će rješavati sporazumno.

(2) U slučaju da ugovorne strane ne uspiju riješiti nastali spor, za rješavanje spora stvarno i mjesno nadležan je sud u Sarajevu.

#### Član 15.

Ugovor stupa na snagu danom obostranog ovjeravanja i potpisivanja od strane ovlaštenih zasupnika ugovorenih strana.

#### Član 16.

Ugovor je sačinjen u 4 (četiri) istovjetna primjerka, od kojih Dobavljaču pripadaju 2 (dva) primjerka, a Ugovornom organu i Nadzornom organu po 1 (jedan) primjerak.

#### Član 17.

Ugovorne strane saglasno izjavljuju da su ugovor pročitale, razumjele i da ugovorene odredbe u svemu predstavljaju izraz njihove stvarne volje.

**ZA UGOVORNI ORGAN**

**DIREKTOR**

**Bahtanović Hazim, mr.**

**ZA DOBAVLJAČA**

**DIREKTOR**

**Fikret Tuzlak**

Broj: 13-03-01-AM/45-379/20  
Sarajevo, 01.12.2020. godine

Broj: 02-27420  
Sarajevo, 02.12.2020 g.c.

**SANACIJA PROSTORIJA I DRUGIH SADRŽAJA UNUTAR SVIH OBJEKATA,  
KOJI SU U NADLEŽNOSTI FONDA MEMORIJALA**

Redni Broj	Opis stavke	Jed. mjere	Količina	Cijena bez PDV	Ukupno
1.	Nabavka materijala, izrada, transport i ugradnja aluminijskih žaluzina, na prozorska krila na objektu stražarske kućice. Previdjeti rukovanje žaluzinama preko PVC palice. Boju dogovoriti sa investitorom. Obračun po komadu. -žaluzina 225 x 91 cm -žaluzina 157 x 119 cm -žaluzina 157 x 147 cm -žaluzina 157 x 60 cm	Kom Kom Kom kom	1,0 4,0 1,0 1,0	60,00 55,00 65,00 40,00	60,00 220,00 65,00 40,00
2.	Usluga transporta demontirane ograde sa MK Kovači. Ogradu je potrebno transportovati do spomeničkog kompleksa Tunel D-B. dobrinjska strana ( kuća Sloboda). U cijenu stavke uračunati i utovar i istovar ograde. Potrebno je ukupno 4 ture prevoza. Obračun po broju tura.	broj tura	4,0	120,00	480,00
3.	Nabavka, transport i ugradnja separisanog tampona sa valjanjem na objektu spomeničkog kompleksa Tunel D-B. Obračun po m <sup>2</sup> ugrađenog tampona	m <sup>2</sup>	44,0	18,00	792,00
4.	Nabavka, transport i razastiranje frakcije veličine od 8 - 16 mm. Obračun po m <sup>2</sup> razastrte frakcije.	m <sup>2</sup>	11,0	12,00	132,00
5.	Demontiranje dijelova glavnog info panoa na MK Kovači. Pažljivo demontirati staklene dijelove, te ukloniti natpis „ šehidsko spomen obilježje Kovači“. Demontirane staklene dijelove detaljno očistiti i pripremiti za ponovnu ugradnju, kao i slova koja će se ponovo montirati. Pažljiva demontaža metalnih dijelova, čišćenje istih od nastale hrđe i detaljna priprema podloge za nanošenje nove boje. U cijenu stavke uračunati i farbanje bojom 3ul, te ponovnu ugradnju cjelokupnog panoa na isto mjesto. Obračun paušalno. <i>Prilog fotografije – Prilog 1</i>	Paušal	1,0	500,00	500,00



6.	<p>Demontiranje dijelova info panoa na MK kovači. Pažljivo demontirati staklene dijelove, detaljno ih očistiti i pripremiti za ponovnu ugradnju, Pažljiva demontaža metalnih dijelova, čišćenje istih od nastale hrđe i detaljna priprema podloge za nanošenje nove boje. U cijenu stavke uračunati i farbanje bojom 3ul, te ponovnu ugradnju cjelokupnog panoa na isto mjesto.          Obračun paušalno.          Prilog fotografije - Prilog 2</p>	Paušal	1,0	400,00	400,00
7.	<p>Demontaža metalne ploče sa natpisom na objektu upravne zgrade JU "Fond Memorijala kantona Sarajevo". Nabavka materijala, izrada, transport i ugradnja nove ploče dimenzija 30 x 50 cm. Ploča je aluminijska, crne boje, sa natpisom zlatne boje. U cijenu stavke uračunati i zaštitno staklo koje se postavlja preko ploče i istih je dimenzija kao i metalna ploča.          Tačan tekst, koji je potrebno ispisati na ploči definisati sa investitorom.          Obračun po komadu.          Prilog fotografije - Prilog 3</p>	kom	1,0	300,00	300,00

UKUPNO	2.989,00
POPUST	-
UKUPNO SA POPUSTOM	
FDV 17%	508,13
UKUPNO SA PDV -om	3.497,13

